

Kantonalni krizni štab, Oristalstrasse 100, 4410 Liestal

Roditeljima i starateljima

Liestal, 10. februar 2021

COVID-19-Serija testova («Obimno testiranje Baselland») u školama

Poštovani roditelji, poštovani staratelji

Corona pandemija traje još uvijek. Virus je, takođe više puta pogodio škole, jer se u školama ljudi okupljaju u grupama i tako dalje prenose virus. Zbog izbijanja corone čitave su škole već zatvorene, a učenici i učenice, njihove porodice i nastavno osoblje su morali u karantin.

Naučne studije pokazuju da, između ostalog, i osobe bez prepoznatljivih simptoma doprinose širenju virusa. Pored toga, je u međuvremenu u Kantonu Basel-Landschaft potvrđeno nekoliko mutiranih virusa COVID-19. Da bi se zaražene osobe mogle identificirati i izolovati, potrebno je sistematično i široko testiranje.

Početak februara Kanton je počeo program «Obimno testiranje Baselland» u odabranim školama. Serija sistematskih testiranja sada se proširuje na sve škole u kantonu.

U programu «Obimno testiranje Baselland» će učenici i učenice kao i nastavno osoblje biti jednom sedmično testirani na corona virus. Učešće je apsolutno dobrovoljno. Ako Vaše dijete ne učestvuje u projektu, to neće po njega imati nikakvih posljedica.

Postupak ispitivanja zasnovan je na uzimanju uzorka pljuvačke (a ne brisa iz nosa i grla), koji je za dijete potpuno bezbolno: dijete ispira grlo otopinom soli (0.9% NaCl) i ispljune je u epruvetu.

Testovi se izvode jednom sedmično, u toku nastave i to potpuno anonimno. Pri tom se epruvete sa uzorcima svakog školskog razreda sastavljaju (takozvani Pooling) i označavaju nazivom škole i rednim brojem. Stoga ove probe ne daju pojedinačne informacije o djeci.

Ovako prikupljeni uzorci testiraju se PCR analizom koja pokazuje visoki stepen tačnosti. Uzorci će u okviru 6 do 10 sati po prijemu u laboratorij, biti procijenjeni. Škole će, potom o rezultatima testiranja za cijeli razred biti obaviještene e-poštom. Roditeljima će rezultate saopštiti razredni nastavnik.

U slučaju pozitivnog testa u jednom razredu, morat će učenici i nastavnici cijelog razreda, isti ili naredni dan biti pojedinačno testirani. Ovaj drugi test je obavezan i obaviti će se u Centru za ispitivanje i testiranje Feldreben u Muttenu ili drugoj ovlaštenoj stanici. U ovom slučaju je neophodno uzimanje ličnih podataka i unos u administrativni zdravstveni sistem.

Učešće u programu je za Vas besplatno. Radovali bismo se ako pristanete na sudjelovanje i zahvaljujemo na Vašoj podršci u suzbijanju corona pandemije.

Ako imate dodatnih pitanja o programu, obratite se razrednom nastavniku Vašeg djeteta.